

持人菩薩經卷第一

萬

西晉氏三藏法護譯

持人菩薩經四事品第一

聞如是一時佛遊王舍城加隣竹園中與大比丘衆千二百五十菩薩不可計一切大聖神通以達辯才無等慧不可量諸根寂定見一切本應病與藥靡不蒙濟為法橋梁度脫三界也。爾時世尊與无央數百千之衆眷屬圍遶而為說經時持人菩薩即從坐起正服長跪前問佛言菩薩何行建立誓願無限功勳曉了諸法分別一切諸度无極識解無量方便善權引要拔不可喻戒德大鎧真正道義為衆生願和恩仁慈覆如虛空不可測度其心清淨德行具足布施持戒忍辱精進一心智慧普度无極若有衆生欲奉斯業殊特之原無上大道今故為斯如此等類啓問如來菩薩大士諮問如來言教屢所問遊三界所行脩悉勤修禁戒无所忘講奉清淨行遊居成辦遵無極慈无量方便隨時開化

為此衆生有心存法不能自達故問如來何謂菩薩曉了諸法能以隨時為人誑宜其心堅強力念不忘致微妙慧解一切法章句誼理所生之震常識宿念不中忽忘至成無上正真之道為衆正覺也佛言善哉善哉持人菩薩多所哀念多所安隱愍傷諸天及千方人乃為一切諮問如來如斯要義功勳之德不可盡極決一切疑猶豫羅網以大和慈加於衆生顯示大明現在將來諸菩薩施行无蓋哀為衆生故普現大道興學弘誓將護一切為開發化濟衆厄令得自歸使度彼我拔濟衆生不墮三惡勤苦之獄乃以勸之使立大道無上正真欲脫衆生生老病死啼哭之惱憂困之患使長安隱將來寂後末世流布正法消大忍畏令无所懼諦聽諦聽善思念之持人菩薩與諸大衆受教而聽佛語持人菩薩有四事義觀其言教曉了諸法能以隨時為人頌宣何謂為四心念成就逮致正真志存道法未曾忽忘性行柔和序序仁慈

其心所與與衆殊異是為四復有四事何謂為四分別道義決諸種姓曉了衆行義理所趣宣布一切諸法至要達諸法本隨而開度是為四復有四事何謂為四解無央數所行諸法以行超越暢无量法所當應宜剖判所行無底功勳識別諸法因斷諸習是為四復有四事何謂為四因其正行逮無上正真之道疾具足滅道行之法三十七品通達諸法自然之智无所依仰解權方便成一切慈是為四復有四事何謂為四心離穢垢不懷慳嫉以是恩仁攝衆生類其戒清淨所行解明常奉精進未曾懈怠勤修清淨建立成就曉了順行專思道業是為四復有四事何謂為四志性清淨所願解明所行功勳至德清淨忍辱仁和建立妙法以逮顯明無所不照分別經義暢入道門是為四復有四業何謂為四夙夜勤修求一切智志存一心定意正受曉了脫門奉于大哀元極之慈喜護濟厄逮致深慧修清淨行暢達正義解了道行是為四

持人菩薩經卷第一 第四疏

復有四業何謂為四遵承智慧所行具足聖明清淨志願弘大愛樂至德無罣尋慧心存普救未曾捨行是為四復有四事察言觀義心普堅固何謂為四其意堅強所求具足性行安詳所思倫悉其行究竟不斷道念修四意止成就雅德是為四復有四事察言觀義志存堅固何謂為四意以得立心念佛業道品之法三十有七意根通利曉了往宿无央數劫所生之處意以平正聖慧清淨無能毀斷疾成佛道攝取至真佛一切智是為四事復有四事何謂為四察識方便慕具慧義曉了勤修顯真諦慧緣是親近得至佛道所行精進未嘗忽忘是為四復有四事志性堅固何謂為四常奉精進不遠佛道志性安和能制其意普解諸法未曾放逸解暢衆道諸根寂定常應經義不違佛教是為四復有四事志性堅固何謂為四立清淨戒所行無微去五陰蓋不為所蔽心无所著未曾懈廢獨除衆罪所滅塵勞是為四復有四事志性堅固何謂

持人菩薩經卷第一 第五疏

為四心不憤亂求正真法方便安心順一切法曉了隨時不失儀節所生之處不貪家業志存沙門是為四復有四事志性堅固何謂為四常親善友遠惡知識志慕深法未曾放逸歸命諸佛諸菩薩俱諮問禁戒曉了諸觀是為四復有四事觀義察言普解法句何謂為四建衆方便了諸道業解諸法門因緣報應志上慧義分別佛道解暢諸法章句所趣是為四菩薩復有四事觀義察言曉了分別諸法章句何謂為四解暢宣布真實言教敷演諸法无所不達剖判諸法方便具足明知諸義本所從習是為四復有四事觀義察言何謂為四奉行聖慧分別道業遠得勢力宣布諸法速成佛道清淨之慧明度無極普以備足是為四復有四事分別諸法何謂為四曉了所習精進修行消滅因緣靡所不了因其遠得應真之力隨時勤修奉受正典是為四復有四事分別諸法何謂為四曉了万物一切無常分別万物本因所習精練諸

持人菩薩經卷第一 第六疏

物皆歸滅盡解知元常便修道業八正真元是為四復有四事分別諸法何謂為四曉了衆行合會諸習分別一切滅盡諸習速得因緣无極大力方便斷別合散之行是為四復有四事分別諸法何謂為四解暢諸義言辭所趣曉了衆義不從他受敷演諸法一切衆相慧印之源令一切法立元相慧是為四復有四事所生之處常識宿命心念不忘至成無上正真之意何謂為四諸根明利暢善惡法以了他人意念是非一切陰蓋咸得休息所生之處常念不忘志在无上正真之道是為四復有四事心念不忘至成正覺何謂為四常行定志曉習方便智慧通暢明慧為首明所行觀無所不觀分別道慧光明遠照是為四復有四事心念不忘至成正覺何謂為四速得穩持无所生慧以得起越永盡聖慧以消滅慧觀于三界以無忘慧觀見三世是為四復有四事所生之處常識宿命无能亂者至成正覺何謂為四以斯結著莫能亂

者口之所言未曾開漏皆這一切諸有業患患是無為逮得佛行元極大道是為四佛於是頌曰

其心念成就志性常明了未曾忽忘法由是致正覺曉了一切法柔和行仁慈以達諸法無解无央數行遵承真智慧聖達以具足去心之穢垢未曾懷嫉妬方便以隨時分別無上慧志願甚弘大乃至軍正覺其意得自在道品三十七心根以通達識宿無數劫知苦所由生習因本根无一切所有盡解之悉本無以菩薩正法開化三界厄使諸元明者皆通無上道

佛告持人菩薩有五事行清淨力逮斯德句何謂為五以仁和性本淨慧力所願清淨聖明慧力德本清淨道力無量所普清淨則是慧力休息罪業慧力清淨是為五清淨慧力復有五事何謂為五其力以暢威儀禮節斯念成就清淨慧力善權方便曉無微力為衆生故聖力解明以通達力勤修瑞應是為五復有五事清淨慧力遠是一切切勲之業何謂為五布

施清淨則謂慧力救攝衆生則清淨力建立大慈則淨慧力心懷大哀則淨慧力以無極喜護淨慧力是為五復有五事為清淨力逮是切勲何謂為五其戒清淨成元權慧以戒禁行救濟慧行忍清淨莫能懷恨以淨慧力救濟無勢博聞清淨力靡不通是為五復有三事具諸切勲何謂為五以精進行志性慧力以能勤修應清淨慧一心慧力疾得定意了禪定慧以寂然淨察三界空是為五復有五事逮是切勲何謂為五智慧清淨博聞無歇以見世力得度世力强而有勢救脫劣弱以聖明力曉了清淨以淨慧力暢達有元生无為是為五復有五事成聖明力逮是切勲何謂為五以承智力剖判諸觀以曉了力究竟本淨慧明解脫以成聖力盡無生慧致于道力以一相自然淨用智力察所有本淨是為五佛告持人菩薩大士常當奉行如是比像清淨之法佛於是頌曰

五力无能當乃致清淨慧五陰盡消除

神通自然成布施持戒忍精進一心慧六度本無形行者因有名道行為一切諸有不達經解三界猶幻乃致无從生佛告持人菩薩大士有三事法雖在盛色以法淨力常勤修慧何謂為三好樂道法精進不憚行無放逸是為三復有三事在於色法慧力清淨疾成佛道至一切智所以者何勤精進者無放逸本成就諸法以是清淨遠致道力速成精進一切慧慧行不迴轉以不迴轉究暢道法成就功德已成切勲疾逮諸法通達慧力以逮是者則世衆祐便致暢畢無尋之德乃行如來逮得聖慧觀如來不久證明如來道慧佛告持人佛住宿世行菩薩業无央數劫為燈光佛所見授決軍後究竟逮如是像清淨慧力所度無極若有菩薩致是慧者便轉法輪我亦如今所轉法輪暢師子吼亦復若斯以致斯慧便於諸法而得自在已得自在便成大道若欲逮是无極道慧當學是法亦復不久當疾得佛無極正覺

持人菩薩經妙慧超王佛品第二

佛告持人乃往過去久遠世時无央數劫不可稱限越は無量今時有佛号妙慧超王如來至真等正覺明行成爲善逝世間解无上士道法御天人師歸佛世尊其佛世時諸聲聞衆不可計數其諸菩薩无央數會皆是其佛本學道時至願所致佛國清淨功勳巍巍其佛國土無三惡趣八難之憂衆生安隱福同快樂皆離貪欲除夫五蓋如是比像无世俗義唯以道品而相娛樂以四禪定而行正受佛言持人其妙慧超王如來壽八十億姪百千劫其國土人壽三十億姪當尔世時無有國王典制万民唯以妙慧超王如來至真爲法王咸共稱曰无上道王其妙慧超王如來至真諸菩薩衆能爲一切普決疑網多所歡悅頌宣菩薩無極法藏時諸菩薩聞佛所說如是比像清淨法力五百菩薩一心精進夙夜懇懇不想念坐不想求食盡其形壽不念服飾唯念至真無極道王恩是像法清淨法力

以是一心德本所致於彼壽終生於東方去是佛土八千億國適生未久亦逮此法識念不忘悉見宿命寂詰聰明諸根通達无所不觀探古知今又其佛土佛号無量華三講說經法

是五百人生彼佛土尋時其身年如十六即報父母出家捐棄行作沙門淨修梵行在其佛所奉行精進六十億歲佛詰持人於彼世時五百菩薩如是比像值見諸佛二十億普在其所夙夜精進妙慧超三如來至真使五百人於万劫中值二万佛而投其决當逮無上正真之道以億万劫供養奉事二万佛訖是三百人皆同一劫次第成佛是故持人菩薩大士速欲達成元上正真爲取正覺當精進學如是比像清淨慧力經典之要夙夜勤修勿得懈廢爲放逸行所以者何諸佛本學皆由精進元遠爲本致取正覺普同道品佛皆識念往昔古世精進如是見是十二億諸佛世尊所生之處當得意力探古知今無所不通各各識知一切宿命如近不遠悉

觀見之皆由精進學是法故無放逸行夙夜勤修未曾懈廢

尔時世尊以无極慈興大悲哀觀于四方即如其像三昧正受化現諸佛周遍三千大千世界各爲衆生頌宣經道决諸狐疑問各開解莫不歡悅復重爲演菩薩之法尔時世尊尋現神足顯其威德使竹園中諸會菩薩皆見十方諸如來在其世界敷演經法時諸菩薩各從坐起叉手自歸爲佛作礼各自歎曰至未曾有諸佛世尊威德聖慧不可思議道法超殊巍巍無量猶如虛空不可攀逮時佛即告諸菩薩曰是不爲難如來至真不可限喻所以者何族姓子解諸法界无所不達所解法界如來至真其一毛德神足變化不可稱限光明普照江河沙等十方世界其光明中各演音聲頌宣經道其一毛孔億百千姪神足變化不足爲難所以者何如來至真神足功勳不可限量巍巍如是又族姓子如來至真見衆生心以爲說法少有信樂如是像法精進勤修志

樂慕求是無量法亦復希有所以者何如來今與在五濁世何謂五濁一者人多癡愚不識義理二者六十二疑邪見強盛不受道教三者人多憂欲塵勞興隆不知去就四者人壽命短往古世時八万四千歲以為甚損今壽百歲或長或短五者小劫轉盡三灾當起無不被害若有在此五濁惡世能信樂是如斯像法深妙道義有一人好能受如此佛正真慧是為甚難至未曾有何况信樂如來所行受持乎族姓子佛從古無央數劫被大德鎧長夜遵習如是像法精進忍辱仁慈博愛若見衆生在於厄難勤苦之患无救護者心生恐懼墮於惡趣願生彼土導利衆生救濟衆厄今入正道如來至真德不可量如空無侶勇健獨步度脫十方是佛往昔過去世時本願清淨今有信樂是无量法深妙之義愛喜受持皆往古昔曾見被訓故今信喜現人少有信樂於斯如來所顯如來十力四無所畏十八不共諸佛之法空元之慧希有好

喜入斯法者若有入斯皆是如來感德所致神足變化勇猛功勳佛以慈力善權方便長夜開化勤修不解皆由往宿矜矜一心不捨此法常行大慈修無蓋哀大喜大護救濟衆生又族姓子諸菩薩學少有慈念於五濁世成軍正覺為諸衆生在五濁世開導大難亦復希有如吾於今所立教訓所以者何往古宿命通大精進積功累德每生自刻布施頭目肌肉交體妻子國邑群從車乘元所愛惜不計身命無所貪慕三界无怙惟道可恃以無極力行權方便開化衆生能成无上正真之道佛悲憶念往宿世時一日之中所施無量并惠身命元所愛惜皆由慈念衆生之故開化盲冥今見道明亦識往宿無數世時見飢饉者无有飲食供養之具可用施者割已股肉煮之炙之持用授之不以作患心不懷恨惟行大哀愍傷衆生奉无極慈以是之故當作斯觀違修如是通大精進開化衆生如斯精進積累功德達致無上正真之道是

故諸仁諸族姓子勤學如是微妙精進以習如是無極道法亦當如我往昔所行菩薩之業開化衆生如是无異頌宣經道亦如我今有所救脫是賢劫中所興千佛皆當咨嗟吾本所行各當說言能仁如來本行精進不可限量不可殫喻道慧巍巍所度无極於五濁世五逆乱中開化衆生如是无窮不可計盡是故族姓子假使有人如是比像奉精進行受樂勤修而无放逸疾成正覺又吾於是遠無上正真道為軍正覺臨滅度時所度无量若有能遵如是精進應如至教而不懈廢取如芥子佛之舍利建立塔寺皆當得佛滅度之業所以者何佛與慈哀為諸將來衆菩薩施本為菩薩行佛道時曾所訓誨由是緣故顯示大道又復慈愍墮八難者故興大哀普布舍利若取舍利大如芥子建立塔寺面見如來手自供養滅度自後觀其舍利心懷悅豫所立地處以是地施於舍利而興塔寺隨心所願與于大哀本宿命時行菩薩法等

持金剛經卷第一 第十六條

心眾生普願所致舍利遍流佛所積
功累德光不可限量巍巍如是慈
念眾生興于大哀寂後末世立無極
慈加於一切若有菩薩受是像法好
喜慕樂勤修精進而不放逸用至願
故寂後末世受如是像引雅經典能
持誦誦為他人說令普流布建立菩
薩若有持誦為他人說以是像典勸
諸菩薩令學誦誦轉復宣布所以者
何若是景摸久在天下則佛正道永
長現矣如來常存以是觀之族姓子
佛本往世如是方便攝護眾生建是
經典以用將養未來俗世在五濁世
宣布斯典若族姓子所在郡國縣邑
州域大邦如是像典所流布現受持
誦誦廣為人說如是學士族姓子等
見佛現在臨滅度時如來遊彼佛則
現在而不滅度所以者何族姓子佛
不曾說乎佛者法身若見法者則觀
如來莫以色身觀於如來若信正典
聞見受持則觀如來聞法奉行住如法
教乃曰見佛聞宣正典順法入道乃
曰見佛佛以未曾以法生法以能行

持金剛經卷第一 第十六條

法敷演正典不懷妄想猗求諸法則
觀如來一切諸法悉无所著余乃名
曰觀如來耳若族姓子不見諸法則
觀如來所以者何如來至真不存有
法非法之辯不當觀見如來所以者
何如來曾說假引譬喻猶如縛絛尚
當除法况非法乎以除是法非法之
行乃見如來所以者何如來至真皆
除諸法不宣諸法而有慶所也無所
興起亦元名号况復講說諸慶所乎
所以者何皆除一切諸法若能順斯
如來觀者則見如來也佛本以斷一
切諸法乃觀正覺所以然者一切諸
法皆虛不真觀一切法本無本淨觀
真諦者乃見如來又族姓子不得諸
法則无諸法謂無放逸彼无有法亦
無非法以元有法亦無非法乃以了
斯義以了斯義乃見本淨以平等觀
乃見如來見法如是則見如來觀如
來然見平等覺若有異觀如來至真
則為邪觀已邪觀者則為虛觀不真
諦觀也又族姓子其真諦者消除一
切音聲言辭不真不虛亦無真虛獨

持金剛經卷第一 第十六條

去一切諸所有業悉不復得一切所
受乃見如來所以者何如來至真不
觀諸法有所生者若令生者以除一
切所見諸法乃曰自然以解自然如
是觀佛乃謂吾等觀佛如有所見若
斯佛之所說也如是觀佛皆入一切
諸法本無已了一切諸法本元便了
諸一切本無顯道法分別諸行一
切本淨一切諸法歸于本元一切諸
法皆如來法也自然入道一切諸法
皆以普入如來境界一切諸法界不
可議成取正覺故族姓子佛說言一
切諸法皆如來界無有境界為如來
界所以者何一切諸法所有境界計
彼諸法无有境界則如來界也一切
諸法以為境界無斯諸界乃曰有界
所有界者亦如來界一切眾生行无
境界而悉曉了真諦淨界雖知是法
永不解達如來至真解達如是無所
不通是故名曰无有境界也如來界
無所有界則如來界也所以者何佛
說諸界真諦本末无有諸界乃如來
界一切諸界如來界也無界非界分

別曉了靡所不達是謂證明無所有
界則如來界也唯族姓子解一切法
是無境界則如來界也乃入道義觀
如是法余乃遠致如來境界樂無所
樂是如來界而無所著亦无憎愛所
以者何以知無界乃曰佛界故言無
有界則如來界用一切法不可得故
无有處所於一切法無所著故是則
名曰如來境界遊居入慧一切諸法
悉無所入故无六門亦無所入所以
者何族姓子皆无有門亦無所入則
无有見所以者何如來至真不得諸
法有所入處也而有所見也有所說
者也亦無善惡虛細微妙言辯本末
是則名曰入一切法入無有相无應
不應一切諸法不精進不懈怠無合
不散是乃名曰一切法門曰无名門
無言辯門無所入門无所著門無訓
誨門无生門永寂然門不以是門可
用知法若見法者不以法門永寂然
門不以是門可用知法若見法者不
以法門能證諸法亦無所出入所以
者何一切諸法皆无有門門不可得

一切諸法為虛偽門一切諸法悉本
清淨一切諸法門不可量一切諸法
無斷不斷无有邊際故曰族姓子一
切諸法悉不可得皆虛無實一切諸
法門不可量不可得限其本際門不
可盡極无能斷壞得本際者若壞本
際真實之義也若族姓子及族姓女
至斯法門悉解達了因得普入一切
法門皆能頌宣衆生心時佛復告持
人菩薩若有菩薩大士欲以方便解
一切法分別諸法義之所趣欲得意
力具足成就隨時之宜入於諸法所
生之處心斷絕若以寂定心念成無
上正真之道志習入斯比像法門若
能逮得是法門光勤學斯法速疾歸附
持人菩薩經卷第一

癸卯歲高麗國大藏都監
勅彫造

佛告持人乃往過去無央數劫加復
越是不可計劫今時有佛号意普王
王如來至真等正覺明行成為善逝
世間解无上士道法御天人師為佛
世尊其佛世時有八十億姓沙門衆
皆阿羅漢諸漏已盡習學不學阿那
含斯陀含須陀洹亦復如是各八十
億姓諸菩薩八十四億兆載集會佛
所佛言持人彼時如來壽八萬歲時
世有王名曰持陀君二萬國民人熾
盛風雨時節五穀豐饒万姓安隱王
所居城廣長正方各四百八十里其
城皆以琉璃四寶成之其牆七重樹
木深密欄楯周匝各復七重網縵珠
珞各復七重諸牆壁上及諸行樹皆
以四寶交露帳幔而圍繞覆其二万
國各有五百郡縣屬之又其樹上皆
生好衣自然七寶諸細被服一一池
水各有五百浴池從之又其浴池皆

持人菩薩經卷第二 第五 第五

七寶成生七寶蓮華青紅黃白滿其
池中其華大如車輪斯池中水自然
八味其土國王有八万四千夫人姝
女中宮正后有二太子一名無限意
二名无限界其太子各十六時二太
子適卧寐於夢中見如來形像端正
姝好紫摩金色相好莊嚴威德巍巍
不可限量光照十方夢中見是心中
踊悅欣然無量其二太子從夢覺已
心中坦然各以宿懷識道正真而歎
頌曰

我今夜夢見天人中軍勝體紫摩金
百福成其相以在其夢中觀一切功
勲以得觀尊顏懷悅豫无量觀聖神
光明猶日演暉曜意中甚歡樂超越
一切衆威光極高峻猶如寶山王若
目觀其形靡不抱欣喜

佛告持人其二太子見是瑞應往見
父母具說此意我等兄弟今日夜夢
中目見如來至真故答二親欲往奉
詣如來興現在世教化以來久矣我
等放逸沒五所欲不覺佛興而為五
陰之所縛結諸惡羅網之所覆蔽在

持人菩薩經卷第二 第五 第五

於自大無恭恪心以斯迷惑不見如
來詣受道慧二親然之時二太子答
父母已往詣意普玉王如來所前稽
首足白世尊曰罪蓋所覆迷世榮祿
邪位所惑不時奉觀詔受訓誨慙愧
形顏世尊大哀威光見照開發慧冥
乃得奉觀今欲請佛菩薩聖衆盡斯
三月供以飲食衣服牀卧具病瘦醫
藥一切所安其彼大城圍觀樓閣父王
所居嚴飾莊校懸繒幢蓋浴池蓮華
答其二親貢上如來諸菩薩學諸聲
聞等供佛聖衆見盡三月一切所安
父母同心亦皆哀之供養盡節辭其
二親在如來所信元慕家出家學淨
行作沙門時意普玉王如來至真見
二太子捨國出家察其志性則為二
人無限意无限界班宣於斯曉了菩
薩五陰衰品二太子問咸共答受八
万四千歲未曾眠寐亦不思食復不
寢卧唯坐思義經行誦誦八万四千
歲未曾起想有他異念常正精思暢
五感除了之虛無本末恍惚志空不
實存在既倒足五感陰以解如是不能

持人菩薩經卷第二 第五 第五

覺者迷惑其中當修梵行思是法已
解達深義不見盛陰之所歸趣志存
大猷无所希冀壽終之後生兜術天
其時如來滅度之後從兜術天下還
生世間閻浮利地大長者家至年十
六夜卧夢中見如來像在於夢中復
從如來聞如是法曉了菩薩斯五感
陰諸種入品從夢覺起心懷悲喜於
一乃歲淨修梵行復分別了是五感
陰諸種入品終而復始壽終之後生
切利天適生尋復終沒還生世間在
梵志家見本宿世意普玉王寂後未
世餘正法訓留一千歲以宿本德信
不慕家出家為道博學廣聞智如大
海曉了盛陰諸種衰入求其本末覺
如真諦時方便勸立二万世間人二
万億天人皆發无上正真道意以是
因緣其二太子行菩薩業俱共相同
見十億娼諸佛世尊寂後末世逮得
無所從生法忍更復值供億娼兆載
諸如來衆二人俱等於一切中逮得
无上正真道為寂正覺一號無量音
二号无量光是故持人若有菩薩疾

欲得成無上正真道為寂正覺當勤
修學如是像典如來所暢諸陰入種
分別有無諸法之無

持人菩薩經十八種品第五

佛告持人何謂菩薩曉了諸種若能
分別十八諸種而順思惟識別于觀
眼種本末則無眼界悉空无我我所
入不久存眼種虛無則曰自然用眼
自然故曰不真因迷惑思想而合成
眼无所成不得識行為虛空形猶如
虛空悉無所成悉无所有亦無處所
眼无内外亦無中間欺詐之業无有
真實不可護持從因緣生無去來今
則為自然本淨无形罪福所成從顛
倒興為現在緣之所見轉故曰眼空
界不可見計於眼者則無有界識逆
其中因曰眼界眼根清淨其色是耀
合于意根因緣所縛三事合會眼色
識集眼界空其眼界不成界無界其
明智者乃覺知是故菩薩分別眼界
解了真諦以了色本则无所有何謂
以了色無有界不與色會亦不離矣
无所生長雖說色界則無所有色无

處所何以故云色無有界色无有色
無内无外亦無中間立存虛无因其
思想眼觀色光眼種清淨以見好色
假号曰色無得有處猶如明鏡見其
面像无垢清淨又想有色雖現鏡中
有形色其影乃從内出不從外入用
外形照内鏡現眼亦如是以用清淨
雖由于色為之見鏡觀夫面像以見
色空色之自然无有境界而不可取悉
無所成其色想者本无所生衆生不
解適見色已其以解色界無所生則
无有界以解色界了色本末無去來
今虛無自然歎詠光斯緣合所謂也
色界如是以眼識故真諦觀者知之
无界云何觀之無眼識種其眼色者
則无處所本淨所致眼色得悉無
所有眼識无法假号現耳眼識不合
無真實形眼識之界因顛倒雜從宿
世成現在因緣之所見縛與因緣會
号曰眼識用衆生在顛倒若至聖見
分別了之眼識无界所以者何眼無
所成十二因緣起對合生託於所作假
号眼識業樂識行起所習行合成于

識雖有所觀皆虛不真託有形相因
緣現耳宣說眼識使衆生了如來璚
宣分別衆形諸想合成故曰識无所
成眼以清淨識之本相因行所趣故
曰所見雖習眼識故曰無界所以者
何眼不求斯我得眼識及與不得了
之色識无獲令自然所以者何無所
成故也假託有言而現斯義為衆生
故救攝危厄眼本所行意念是地識
相自然眼界色界識界三事合成諸
界集會因緣業相宣諸法會故有託
眼色識如是計惟是以便入衆生達
彼無眼无有色界亦無識界如是以
教断除諸著若能有了如來所達覺
衆方便則能曉解一切三界則无有
界所以者何計於諸界實無有界色
不可得耳聲識界亦復如是鼻香識
舌味識身觸識意法識計按思惟觀
無所成意界虛无不有真實悉無所
有又是種者則無所成猶如有人下
種在地稍稍生牙水為因緣日光照
之其種所牙无所造行其種不與牙
共合成因種生牙種不離牙牙不離

持人菩薩經卷第二 第九段 萬眾

種意見如是從其意業顯現種矣故
有意意見不離念念不離意見界雖
別因緣合成其意見者无内無外意
无中間皆由宿命本行所立恙由意
業因界合會現在因緣之所合生故
假曰意從已所部罪福所生十二緣
起顯有所宣故曰意見方便說之欲
令眾生解其本末究竟求之實无本
末不可得之所以者何心自放逸無
處所故所有至識柔軟言辭其意見者
恙無真諦无有過去當來現在明者
曉了意見無界法界无有何謂觀察
法界自然恙無所有而不可得法界
无成不得形像唯顛倒立無有人壽
從虛偽生興受識矣故曰法界何謂
曉了法界之无顯現其界所以者何
其法界者則無所有從因緣生以因
緣生故曰无界所以其界因緣合成
轉成顛倒如來至真解眾生界故曰
法界託集假号法界無内亦无有外
亦無中間然住合結除善不善法斷
一切諸義宣布道教故曰奉行論无
所有法界虛空無成就形假有号耳

持人菩薩經卷第二 第九段 萬眾

法亦如是無所成像以斷法想取現
要說恙无境界故先歎之無去來今
為現在緣而見繫縛從緣合成眾生
不解明者曉了而證明法界无界不
多不少則以方便因言法界其了法
界皆除一切三界所生以斷諸法無
說法界因緣言相用處諸法故曰究
竟明者宣曰无所生相所以者何法
界之相恙無所成法界无處無處非
處无合住處亦無不住察了法界永
无所住法界無生无能者無合會處
无合無散法无所造亦不成就以能
如是觀法界者則察意識而无有識
當作何觀無生界則曰識界所以者
何計其意識无所有故虛偽不實合
于顛倒從意念有故曰意識由因愚
冥凡夫所行唯賢聖達見知之可以
二事宣意識所緣用眾生類不能解
了明者所別從虛無不真正想所生
有意識其意識界无有殊特莊宣究
竟假託有言借于眾生不解意識本
末無界因緣所集輪轉无際諸賢聖
等不求識界無内无外無有中間明

持人菩薩經卷第二 第十段 萬眾

者曉了其意識者不觀意識皆從緣
起從顛倒興以二因緣而有眾生不
真思想受於虛偽從心行生隨俗相
有意識耳眾生本心從是緣現意識
無去當來現在意識計本亦无所者
意識所在无去無來无所存立意無
所住所以者何意識本淨則无有二
無相无二所在立處而不可見明者
曉了意識如是其意識者無有法說
无合會亦無離別无所生想無言教
相獨賢聖了何謂識界從所來者无
所從來無有因緣所以者何其意識
界從因緣生察其本末無有見者明
者曉了意成如是本无有作眾生自
這恙無所生眾生所出相无所生佛
言持人若有菩薩當作是觀曉了意
識則無識著

持人菩薩經曉三界品第六

佛告持人菩薩大士以曉意識則不
善欲界色界及無色界當作是觀雖
存三界不見欲色无色之界既有是
界恙暢無界莊宣光顯眾生本末在
於欲界而自示現在色无色而自示

現在是諸界現無有界粗示要說曉了諸法自然无界三界之事无形無處從因緣生流於三界輪轉無際智者分別三界所有境界悉无所有從虛無合顛倒而有是能覺了則解虛偽自然永无便捨生死衆生以除顛倒之業便弃三界如來至真頌宣三界衆生所在悉無有界无智習之迷惑作是本淨自然而無有界不碍三界明者解之此无有界觀是三界衆生無界已身虛空无有若干一切諸法從因緣生從顛倒合假有号耳則無所成空而无作自然清淨等御虛空於一切界悉無所有猶如虛空悉无所有所以者何究竟永寂虛空本淨而不可獲一切諸界亦如是矣無内无外無有中間界无有界悉無所著皆无所生諸明智者不有所生亦無所得无住無不住不等不邪本淨无獲智者明了不獲假託無念不能由是智者不以諸界為境界也相无所生隨俗名耳無所分別以无生想若滅是已無一切界假有言耳究暢本

末悉不可知以不可知一切亦然明者所觀佛言持人若有菩薩暢了如是解十八種及與三界衆生之界及已身界上虛空界達之平等以觀如是則應平等不見境界以無所見解一切界假託言矣一切諸界悉元有界好喜入道曉了諸界解脫衆生其相無二以見无二並見諸界以權方便頌宣示衆十二因起假託有言開化衆生入究竟義以暢見慧一切諸界故曰無形所以者何持人如來至真不得一切諸法處所亦非无得無所亡失平等思惟達得无上正真之道所以者何一切諸法永無所有本悉自然元成就者諸界皆空觀實空無以等如空元所生相如來如是解一切界如來不去諸界自然無界无形所以者何其無所有不可強有以无所有則知自然持人當知如來所說若有曉諸法所未其菩薩大士便能分別一切衆生境界本末以解本末分別虛細頌宣諸界合散之義諸界所入曉無自然一切諸界虛空界

還自燒然无界無入假託有舜永不可得衆生無知故有是耳猶如幻師工學其術為諸衆生現若干變以現諸化不可計形若干種人不能知者聞信所化謂之實有其曉知者知幻自然佛言如是若能曉了幻化虛无衆生欺惑若有明智自解已身猶如幻化了之假託是世若斯自然知幻若有菩薩曉了入是暢幻自然以解自然世之所居亦復如幻以權方便為衆生類現說一切悉如幻化若有聞見解了幻法皆無所有乃至正真其愚冥者不能達之故為頌宣暢一切法若了諸法一切如幻欲入是義便當學者深要之法不求得色以不得色便不斷除說其不斷除一切界皆為假託演諸合散分別諸界宣權方便所造因緣根元本末剖判真諦現世度世有為無為有順无順諸應不應宣權方便究竟盡言有義無義所暢因緣而說分別處所无處皆當達是一切如幻

持人菩薩經諸入品第七

持人菩薩經卷第二 第十四

佛告何人何謂菩薩曉了諸入於斯
菩薩觀十二入解其本末云何觀之
所可觀者得不見眼之所入處眼無
成就悲无所有所以者何眼所入者
皆從緣對從顛倒與色之所縛緣起
所合有二事因一日眼入二日從對
坐色故曰眼入如是眼色有二倚著
眼色所入色是眼品自見色已以幻
為門故曰諸入則盈生受眼不著色
色不著眼色不著色目不著目皆從
緣起以色為緣故号色入自以見緣
對故曰有相以入為業何謂入業由
以顛倒用以豐饒以如究竟不得入
眼諸色之无其明智者不求諸入便
見真諦從顛倒合愚冥凡夫有二相
矣眼以入色便顯入諦已解真諦色
入於目無内无外無有中間其眼衆
色无去來今現目觀色現目觀色則
貪受取愚冥凡夫所行不可明智達
之虛無无真思想顛倒便成諸入諸
入自然云何有乎其無入相皆從緣
起故曰諸入如來曰諸入虚无悲從
顛倒託於因緣無有諸作无使作者

持人菩薩經卷第二 第十五

眼不台色色不召眼亦無所知各各
寂然眼色諸入俱共淡泊无有作者從
因緣起愚冥凡夫心屢顛倒賢聖達
之然無所生无所滅矣無来无去眼
色諸入眼不斷眼目不想目色不捨
色便知自然色不想色所以昔何各
各空故各各淡泊知自然故眼不倚
眼色不知色自然之故眼色自然無
成就者眼不求眼亦不合前各各空
元目不習目是我所眼色不習色色
是我所幻自然相眼色虚無則曰自
然假託言矣耳聲鼻香舌味身更心
法而不可得悲无所有亦無所成所
以者何從因緣起處在顛倒立在二
因從心法與諸品入故故曰諸入以
法因緣假託入門法不著心心不著
法法不著法心不著心著從緣起以
立法事因心見相不得入法明智達
之求諸入本觀見真諦皆顛倒合愚
冥凡夫見有二相無内外亦无中間
心不入法法不入心無去來今皆從緣
生愚者不了明智達之所以者何悲
元所有處自然故無意入法无有真

持人菩薩經卷第二 第十六

相不得成就假託現耳如是持人菩
薩以得曉了若斯諸所衆入便了一
切十二諸入不著不縛便斷諸入以
造立證入諸分別使無所起曉了无
相猶如流水在所合矣故曰水普無
所不入其十二入亦復如是云云内
外皆從因緣其水流至多所成就雖
言自然不得處所以見縛著其諸入者
向塵勞門愚冥凡夫不斷塵勞故曰
入門眼著于色耳鼻口身心亦復如
是無所歸趣菩薩大士曉了自然分
別諸入已分別入悲除衆結如是持
人菩薩大士曉了諸入

持人菩薩經十二緣品第八

佛告持人何謂曉了班宣諸入十二
緣起觀十二以何觀之以用諸法悲
元明業故名曰癡不了無處故曰无
明不解諸法有生無明故曰為癡以
不了是何故无明無明緣故有行若
不這法不行是法故曰无明緣故便
有行有行緣故生其識故曰從行致
識有其二相致名色矣故從識緣而
生名色從名色便生六入故曰從名

色緣得致六入因有更痛故曰從六入緣便生所更因有痛痒故曰從所更緣致有痛痒則生思愛故曰從痛痒緣便生思愛從思愛緣生所受故曰從思愛緣便生所受從所受便生所有故曰從所受緣便致所有從所有便致生矣故曰從所有緣便致所生從所生緣便有老病死啼哭愁感不可意法大患苦會故曰從生致若干苦以何等故合是眾惱以無明故習諸顛倒從思愛行忻樂貪欲其心在在樂慕不捨是則世俗十二品有緣起自閉盲冥無目无明羅網志存疽癰入於幽闇無明為首十二緣以觀如是了斯无明虛偽不真又其本際而不可知何以故不可知不可知不達明故用无明故其生本際而不可知若有明智當觀察之曉了本際則達無際不起思想亦不无想便斷眾想以斷眾想不荷無明一切諸法不達无明是諸法者不去无明自大之心所以者何以捨無明以故曰名一切諸法皆為无明矣以

能覺了一切諸法皆無明者則達明業不更致明以消无明則曰明業何謂消無明者解一切法患無所有一切諸法皆虛不真處存顛倒法无所有假託有耳是則名曰以斷無明亦斷有明明與無明患虛不真所曰无明用無明故有眾行業便致十二愚冥凡夫所不能達自投邪冥患无所有及造所有故曰為行無蒙无言不言不知明亦不冥諸行之業患本空无所法無有及行所有故曰无明之緣使成諸行其行無常從是非業致眾行未又察眾行无去来今其无明空分別無明諸行本空行患自然行无所著因其無明故生諸行其无明者不着諸行明行不斷無明便消行不除行是行无明則發闇與處存顛倒無明得則曰自然行不可得亦曰自然用幽冥塞故曰无明用冥無明便立行耳若法无無明无所有以虛偽法便成無明行識行无所著行不起識行所以者何行不知行行無有法所可至奏從行識生眾顛倒其

行與識無内外亦無中間无起識者以行逸生其識可彼若明智求識不得識無所生亦无所見不別於識名色六入所更痛痒受有生老病死憂戚啼哭痛不可意大苦陰會輪轉無際生死不斷投于五江四瀆之間不能自濟曉了無根患无所著無致无極平等之業觀十二緣亦復如是斯名曰明無二故勤精進求一切諸法以慕諸法无想不想是系順明入十二緣是為持人諸菩薩眾曉了頗宣十二緣起在合會緣有所生起分別无會是曰達得解無所生曉了緣起觀十二緣不當察生不至摧慧若能達知十二緣起无所生者乃曰曉了達無生慧是故持人菩薩大士欲入無生慧建立證明當分別暢十二緣起而奉行之以餘奉行於諸緣起而无所生以作是觀乃謂達得無所生慧以能達得无所生慧造立證明乃曰達得無所從生曉了道慧是故持人菩薩大士如是行者於所生緣而無所生患斷三界因緣證明觀

持人菩薩經卷第二 第二張 萬

無所生若有菩薩至无生相便疾速得無所從生法忍輒得親近菩薩之行已身所奉面緣諸佛而受道決當速无上正真之道為取正覺得決不久以近受決又以自己如是色像奉行佛教是諸正士各便受決得許信樂分別一切世間諸法以度方俗曉了十二緣起之元以達緣起諸佛世尊現在目前不復恐懼諸魔波旬若見現在陸地水中一切諸物觀見生死已度衆厄拔無明根如是指像永得安隱觀見正士佛言持人若有菩薩如是解了吾我所有皆因緣故若有聞是曉了十二緣起本末信樂不疑諸如來所成其根元不久受決得無所從生法忍以受決本如來不久諸如來便得道決當速无上正真之道為取正覺

持人菩薩經卷第二

癸卯歲高麗國大藏都監奉勅彫造

持人菩薩經卷第三

西晉月氏三藏法師護譯

萬

持人菩薩經三十七品第九

佛告持人何謂菩薩曉了意止若有菩薩分別觀察行四意止何謂四意自觀其身痛痒想法亦復如是自觀其痛痒想法於斯菩薩自觀身行察如真諦無常苦空非身之要身為瘡病危厄衆害以用樂習動搖遊去荒穢不淨以觀如是若干瑕痼滿是身中九品瘡孔夙夜流出臭處不淨猶如便廁諦觀如是无如毛髮可樂可取不淨穢濁皮覆其肉筋經裏之從罪福成積聚衆著便有盛陰何謂積聚何謂盛陰皆宿世緣有是盛陰由本倚慕虛偽覆之沐浴文飾謂是我身由是積聚何謂盛陰從因緣起而報應成從造行轉因于四大計身本末非真之有受于四大而成色陰因得假託所以名曰身者何已自造作故曰為身心以依之故曰為身罪福所為故曰為

持人菩薩經卷第三 第三張 萬

身從思想生不肖可賊與行業合故曰為身從因緣成身適小安便復壞取不得久長不可常存尋當別離故曰為身無內無外亦无中間雖立迫惱身不知身亦不可見不為解明不得度岸无有思想猶如草木瓦石之類身不成身以作是觀以立解達則不貪身無所慕樂知身為患身无過去當來現在非身是身如聚沫瀑浴文飾是身如宅八十種重是身迫惱無數百病是身无救三苦因厄所苦者生死之患別離之難是身苦器受諸危厄以作是觀思惟順義則不貪身不慕他人無所志樂是身无我雖有便離身無所有悲无有實是身以空自然虛無至无真正虛偽立耳結在無益從本行成雖有是身則非我身當興專精慕求不貪已能觀察已身壽命不得合散不見往住立處所不觀過去當來現在無想不想悉无所著不倚身命身非我有亦無我所則无所受不合不散無所從來令心惛熱不知所趣計身本末无所起

生住立滅盡菩薩觀身如無身已
了身虛若身欲盛輒自消滅身意則
止立存順行如義觀身便无有身
佛告持人何謂菩薩觀身痛痒若有
菩薩察身三痛樂痛苦痛不樂不苦
痛計其痛痒不知所趣無去无來唯
從虛無因緣合成受罪福報由顛倒
興知痛本无因思想立作是觀者不
得痛痒無去來今不見處所其過去
痛了空无我亦無我所无常堅固志
顛倒法過去痛空怯怕無想當未現
在亦復俱然乃知痛痒不得成立无
形可獲各自分離其痛痒者无有起
者亦無所滅亦无處所無内无外愚
冥凡夫由從顛倒而生痛痒罪福報
應適合便離故曰痛痒悉空憐憫虛
詐之法以如是知從痛因緣得心處所
痛會有竟必歸滅盡不見痛痒所合
聚處心自念言痛痒則空自然無形
不見所生痛无所生亦無有滅无有
成想以無有成想已无有相拒無所
生普觀如是身所痛痒則无所荷解
知痛痒真諦本無以斷痛痒離諸入

痛不與其合不著痛痒衆行寂然速
求方便速三昧定菩薩察行痛痒如
是見行以了則觀十方

佛告持人何謂菩薩觀心意行若有
菩薩觀心念行發意念頃察于心法
若存異變以能觀者心自念曰其心
未曾有所奔逸無所至到異緣所使
遣所湊相心所興發亦不成就亦无
形貌恙不可得心無往还立无所處
無去來今以因緣現而有所念其心
計之无内無外无有中間有所迫惱
心無處所无自然矣不可成辦心無
所斷若有所斷心以名曰若干種變使
不可計生相即滅持人心无住處心無
存處所在已能覺是則无心念亦無
所見所以者何又其心空自然无形
無有衆生又无所有不得處所無合
心者无有散者心無過去无有將來
不得中間無能見者心不自然心不
清淨心不知心心不斷絕心无有心
則曰本淨處在顛倒愚冥凡夫以虛
因緣教在諸相心自發念又其彼心
空无吾我而計有身心存有常長久

永安以顛倒法而自投冥觀心如是
速得柔順心意止也心無想念亦无
不相曉了其心而於所生無所生想所
以者何心无所發不得真際不得其
相心相不起明者所解分別達之知
心所習所趣歸滅審知如有作是察
心不有合習无滅歸處以不得心若
不得心况復所習所歸究竟以是之
故心不想滅亦非無想速心清淨心
已清淨不隨塵勞不為汙染所以者
何知除所有心則清淨衆生心乱便
赤塵勞心淨則淨以能知除心自念
言心有塵勞以是之故計衆生行心
有所著便為塵勞心以解明則致清
淨已作是觀不得欲塵心不得淨心
余乃達了心本清淨菩薩如是觀心
意行便通本淨

佛告持人何謂菩薩心存在法觀其
法行若有菩薩觀一切法不見内法
不見外法不處中間有所迫惱法無
過去當來現在因十二緣而生有之
諸法顛倒法无成就又察其法無有
内外亦无中間法無合散一切諸法

佛告維摩詰第三 第六
悉無形貌元所有無不有託有音耳
一切諸法猶如虛空亦若幻想生自
然本清淨明諸各有所荷勞一切諸
法无所覩見察其真實猶如夢中
所見覺無所覩一切諸法猶如照影
本淨元形無名想諸法无思一切諸
法如呼聲響從虛無立諸法則无自
然之故不可得矣諸法野馬無所有
故以能如立觀諸法者愚冥凡夫見
若干變則知無法不用法无合無散
以見諸法永無所著以作是觀見一
切法无往無返不見諸法之所立處
所以者何无處非處一切諸法從因
緣起處在顛倒輪轉無際无言不言
無有二想亦非一想不有小想明者
所了而不可得亦非不得所以者何
諸法不生亦無所起无造無作不得
作者諸法捨形亦无身貌亦無自然
然成矣諸法无數本真諦故以作是
觀解一切法無有吾我无人無命察
于空無心自念言一切諸法悉云本性
空法以自然亦无有想不見衆想不
造法願察一切法以無所生自心念

佛告維摩詰第一 第七
言法無所起亦无所滅以觀如是得
法意止於一切法了元所生知歸習
盡因法相成自然離以則無有相所
以者何无有成其無相者乃捨相耳
諸明達者分別覺了是一切法悉為本
无若有菩薩當作是觀諸法法行以
作是行不得諸法亦無所生不起諸
法有所住止亦无所滅一切諸法悉
滅度相諸根寂然相亦悽相菩薩如
是觀見諸法了法意止已無止處无
所不止悉入諸法慧明之相自察心
念致法意止則名曰頌宣經典於一
切法而無所住敷演諸法攝妄以慧
斯曰於一切法所觀真諦逮法意止
佛言意以止者便至意斷身意痛意
想法意解三界空不見身及痛想法
則四意斷
佛告持人菩薩若有逮解五根度俗
世本順諦察之何謂為五根一曰信
根二曰精進根三曰意根四曰定意
根五曰慧根是為五根當觀是行云
何觀之信一切法從因緣起立有顛
倒虛無合成展轉不定猶如車輪所

佛告維摩詰第二 第八
遊无際亦如所夢自然退逝信一切
法無常苦空非身疾病瘡癢老不長
存不得久在當復別離諸法不真皆
無有實悅惚捨放等放諸根猶如彩
畫如小兒力思想欺戲以為真實不
知虛詐悉无所有其信根者一切諸
法無去來今元去無來亦无所住空
無相願无起無行无想不惑戒清定
淨慧解度知見品淨以能奉斯信根
行者則不迴還薦信為首建立禁戒
悉无所失不違道業以無所失便順
正法住於薦信无能動搖善德報應
感來歸護則立直業而無諛諂斷諸
邪見六十二緣不求外學以為師主
如見日月不用燭火唯歸如來識知
聖衆善具足成立淨業戒忍辱仁和
如是薦信而不動搖以无能動甚懷
義信便具道法
佛告持人何謂菩薩觀精進根云何
具成曉了方便若有菩薩薦道不違
以精進故休息五蓋設值得聞如是
景摸深妙經典勤順奉行夙夜精進不
懈怯弱心不忘遠志慕博聞无里尋

持人菩薩經卷第三

法以斷諸蔽不廢精進若心念惡不善法以大精進而斷除之識法已興建立勤修未曾懈倦無綺精進攝加勤修不以此行有所逮失而不還返所遵力務曉了諸法分別如應不戴仰人在於世治不失精進以斯進根軍有威德以義勤學得号進根佛告持人何謂菩薩逮得意根云何曉了奉行意根若有菩薩制止其意順施戒聞具足梵行究竟戒品清淨之業定意慧解度知見品淨身口意究竟謙恪建立正意在一切法令無所生住存殊異而察至行苦習盡道以除斷斯存立意止方便解達根力覺一心意定意三昧正受解暢諸法而無想願得不起慧致忍辱聖離欲滅度以得意止具足佛法不行聲聞緣覺地也奉无尋慧心不迷或以能專精如是像法身口謹慎不失其意不依仰人察如是法軍有威德逮得正本是謂曉了逮定意根何謂菩薩逮定意根云何曉了斯定意根若有菩薩以行禪思一心不虛

持人菩薩經卷第三

行賢聖業禪心无所著以無造作善攝定意明解正等曉了定意无顛倒禪觀定意門以暢不乱入于寂志從三昧起不復定意亦無正受以能慕樂志立道業而以禪思因用自娛不須仰人禪思正受不隨禪教以逮威德定意一心不貪利養行不憚聞以寂威德逮定意根而度無極佛告持人何謂菩薩行智慧根云何曉了逮智慧根若有菩薩滅身所行為何謂也盡除眾苦常消身行在在行慧普見離欲滅習盡道向無為門以行慧根皆觀三界一切熾然知三界苦其智慧者不徇三界察之悉空无想不願心無所生无所復行觀者有為悉放捨之如放頭然具足佛法專習諸法雖處三界咸滅一切悉放捨善而於三界悉無所慕斷諸所樂捨諸有為一切塗汙受欲縛結心无所著不慕五樂不著欲界色無色界心抱智慧聖明切勲不可限量猶如江海所行至誠而無崖底曉了諸法則以智慧分別三界悉无所著是取

持人菩薩經卷第三

德義奉於智慧所度無極佛言持人何故曰根所曰根者義元能動故曰為根以無所動无所逸馳故曰為根永不迴還不依仰人義無伴侶順隨法教故曰為根不耻他人莫能搖者无所雜錯故曰為根如是持人斯則菩薩曉了諸根又復持人菩薩分別眾生諸根善學方等知眾生根不染者有欲無欲根有瞋恚无瞋恚根有愚癡無愚癡根知墮惡趣若生人間根知生天上十方佛前根心明達若柔劣及中間根悉見知之下賤猛獷根諸根不具若不損根而悉知之諸根應法有方便根元方便根悉復知之有罪無罪根荷者元著根危害根無害根悉當知之隨順根不隨順根有尋根无尋根欲行根色行根無色行根暢諸善根究竟善根悉能知之所歸趣根仁和根慶邪見根立正見根慳貪根無慳貪根悉能知之卒暴根无卒暴根迷惑根不迷惑根速疾根賢和根忍辱根瞋恚根懷嫉妬根無嫉妬根具施根非具施

持菩薩經卷第三 第十卷

根信根無信根貪欲根離欲根居家根
捨家根戒具根毀戒根悲能知之誠戒
根無誠戒根清淨根忍具根悲根根上
精進根懈怠根亂心根取要根定意
根智慧名根失智慧根具聖明根愚
駭根元所畏根自大根離自大根逮
得道根從邪見根心安和根放心恣
意根悲能知之散意根寂靜根起生
根無所生根清淨根取穢根解明根顯
曜根聲聞根緣覺根菩薩乘根佛乘
根皆曉了知以逮得是則謂得力而
元等侶無有放逸謂不迴還致善方
便名曰意根知諸天龍神阿須輪迦
留羅真陀羅摩休勒人非人根寔為
威尊无能勝者莫能動搖所行方便
普度無極奉行勤修如是像典疾逮
曉了於一切法而得自在於十方界
无所不濟

持菩薩經卷第三 第十卷
諸所邪見所以者何一切所見上至
泥洹若欲見佛皆去是等諸所見業
乃曰正見以無見不受見成名諸見
悉无所荷普無所念以无顛倒無所
无想是曰正見所見平等為何謂也
捨世虛妄以弃邪見以如見除諸所
觀住于正見悲無所著无想不想不
見泥洹遠諸欲見不習諸見何謂正
見一切寂然無生清涼亦无所滅等
觀無為本以清淨於一切法无所望
亦無不想元所不應是曰度世正見
何謂正見不得現在亦不度世正見
斷現世法亦及度世不想現度除一
切想不得等邪等諸不等斷諸等行
是名度世乃曰正見如是一切悉無
所生故曰正見見所真諦正見无邪
是曰正見如是持人菩薩大士所行
正見

持菩薩經卷第三 第十四卷
念不得所思離邪正想故曰正念以
除想諸等弃衆念捨虛顛倒消想不
想等一切念不荷諸念除諸想故曰
正念
何謂正語一切言辭皆為虛妄處在
顛倒悲皆惑想見於平等心自念言
辭正斷一切言辭所宣故曰正語言
无所湊無去元來所見如是等無有
異已逮正語口之所宣皆實至誠故
曰正語口言清淨所住之處斷一切教
言辭辯才心中覺了口无所宣捨
邪言住於正語
何謂正業以住正業皆知一切衆邪
之業其一切業不真不諦本無所作
所以者何一切諸業无有至竟業悉
散故曰正業不於正不於邪不於是
不於非無想不想皆度衆業不造正
邪等逮諸業无作非作故曰正業皆
能等說邪正諸業如真諦解一切諸
業亦真諦見無應不應是謂正業其
以正行无有邪業等見諦行故曰正業
何謂正命知一切命皆墮及邪所以
者何其想有命想有万物而懷妄想

无為泥濕清淨之想及想見佛一心
清淨以住是中欲以淨命皆墮邪業
一切諸命若正性命不以為邪不以
懷正命是曰正命言是邪命逮一切
命悉成清淨是曰正命解一切命無
有正邪者住淨命行无有放逸無正
邪命无變無复无應不應是曰正命
無住邪者逮得淨命无有命想無善
无言無命不命等行真正而見不虛
是曰正命

何謂正方便弃眾邪便所以者何一
切方便皆墮及邪方便所在心在結
著是曰邪便所以者何一切諸法无
真邪便所行方便則不真正其不真
正名邪方便無方便矣無究竟元言
辨斷諸方便彼無所有弃泥濕想无
佛法想知行方便一切方便悉不真
正至無方便其以平等則无方便等
一切法無有若干无有方便超越方
計所有方義則無所計无應不應是
正方便方便得此之謂也所言方
便是謂定意斷諸方便謂眾真諦等
見如是不想方便以無所想是正方便

何謂正意一切所念皆為邪想意之
所念皆是邪思所以者何一切墮邪
彼若意生皆為邪意無所念所以者
何一切所念從因緣生所曰因緣皆
曰邪矣其意所念不起不滅是曰正
念所以名正念若无意念住處發起
業不意無意念第一淨无邪意念皆
斷眾思其以邪者悉無意念是住正
意其正意者不正不邪正念邪念除
一切意諸念思想所曉了者心不起
乱常行六事曰住正意意未曾生有
意未意相解一切意皆了諸意暢如
真諦不復思念有意無意應與不應
是住正意无意無邪念于等行无念
不念無因无思無所惟念一切無望逮
致元言無意不意住思平等无言無
說弃一切辨解始真諦普无宣教無
思无想是乃名曰住于平等

何謂正定見一切定皆為邪定所以
者何若受三昧因緣之想望正著除
斯皆邪定所謂取及此定不真若於
諸受而無所受又不懷求三昧定想
无出家教無念定意其无所倚無作

元暢消斷喜悅永密安樂分別定相
於二昧定而無所住是乃名曰正定三
昧所謂正定於一切定而无所著則
無放逸明了如慧曉達定意不倚定
行而无希念等消正行如以是者無
想不想不想无想乃曰正定無正无
邪一切無望以斷諸想並滅眾希乃
曰正定所去定者无正邪定心無所
生不正无邪無正定无邪定所以者
何以能覺解方便諸定乃住正定無
三昧想不積平等普曰一切乃曰正
定其不馳騁不造等遠若等若邪普
等諸法一切定意以存正受一切三
界皆是有為所思真諦以慧觀見一
切五趣往來所生佛言持人如是菩
薩曉了道義以逮如斯剖判道趣若
斯聖業解暢真諦乃曰正定

持人菩薩經卷第三

癸卯歲高麗國大藏都監奉
勅彫造

持人菩薩經卷第四

焉

西晉月氏三藏三法護譯

世俗度世品第十

佛告持人菩薩何謂菩薩得曉了知現世度世經典之要云何名曰現世度世若有菩薩常順思惟現世度世云何順思何謂現世法何謂度世法若有住於顛倒法行皆從想有由因緣生合於虛妄有二緣立從二想生一從虛妄二從无生其虛妄語欺惑或法得愚冥想猶如小兒執若干種盡於虛空虛妄經行愚冥凡夫想云有世計其世俗皆歸壞敗散散盡盡以見一切世俗諸法從虛欺惑所因無作本无所生陰種種諸入皆從緣對色聲香味觸由因緣法不說色緣猶愚凡夫心有有所猗所以諸見因无數見而有猗著若彼種性放存窮匿令世間見處在顛倒所觀世法度世在彼為何所是世俗之法真諦如有達其本淨是為度世明不求世了不可得度世亦然若不能得現世度世无現世

持人菩薩經卷第四 第二法 意
及度世業宜共度世現世本淨何謂宣布度世之業若世本淨至于度世所以者何永不可得現世本淨悲空其世亦然本以自然世本淨寂以世自然世淨寂然計世俗法無究竟成當作是觀現世度世悲不可得不得度世不著於世不念度世以不念世及度世者不與世諍所以者何以覺曉了世間悲虛欺詐惑法以能觀見世荷虛無不想於世不慕度世所以者何佛言持人所云世者謂五盛陰也貪求合會一切世法明知求陰永不可得三陰自然而不可得五陰本淨亦不可得五陰無來去无所至湊處不可得是曰度世不知五陰所歸處所以以無五陰諸種本淨及諸衰入之本淨也若有菩薩觀於世俗之法悲无所見以合度世不見度世不與世合則無有世惟觀度世在于度世不見世法而有異持也不轉二法云是世俗是度世法所以者何持人其所在世解世本末本无所有度世亦然雖見有世悲無世法所作分別度

持人菩薩經卷第四 第三法 意
世俱同以了无世假使有人心自念言世俗別異度世不同則於其人佛不與世雖佛出世普世顛倒無發道行用真正解以慧察世頌宣經法處世顛倒貪受于世而救濟之故曰度世也是故持人用真正解以慧察之曉了世倒故曰度世也如來出世普通諸法世俗度世皆无有二以真正慧觀察造證故為宣布度世之法佛言持人不以是法遊於世間無所至湊无所消除不猗世諍乃得世義不念度世曉了世弊達本所想以著想二不解能達如是像法則無濟者不能解了不暢度世所以者何用二行故其二行者不能解了世俗度世菩薩如是方便曉了一切諸法現世度世靡所不達
持人菩薩經有為無為品第十一
佛告持人何謂菩薩曉了分別有為无為法云何有為無為法若有菩薩以真正覺有為无為順理求之云何順理云何求之亦不作有為法有所見者自然得号已造有為故曰有為

又有為法以虛偽轉上何為轉由已合會自然歸之以二緣立緣本際教用以所有自因而生一切諸法无為作者勸使作者自然生已是有為法斯自然法無有迴還故曰有為其有為法无內無外亦无中間住存欺惑無合无散由從虛妄思想興立從無明緣生愚癡業有一切法自然轉行无教造行從有為事受其相業因其顛倒以愚凡夫獨名之故又明智者覺了有為不可得邊不倚有為無合有法乃曰明智明智分別至實有所造行滅一切為明智剖判一切諸行虛无欺詐是諸法者悉無所有咸為自然亦無自然從意念成一切有為所以者何不當奉行有為因緣或曉无為未曾復習有為緣行若曉無為亦乃通耳云何曉之一切有為皆為不真而元有形悉無邊際无至合會明智觀之不以為至生究竟其有為者亦無所受悉以无異有為無為亦復无異生宜斷有為業是有為是無為斯有為相斯无為相彼何謂有

為相知生當死合會別離何謂无為相不生不滅不會無別愚冥凡夫不能解了入斯二義不曉有為所由起相及滅壞相不住異相因無相生住於異也若无是相如來所說從是相生從是相滅住如是相佛言持人如來所云一切諸法皆無有相以能得成无所生相無滅壞相无所住相如來教演無為之相是相非相其有為相不成无為導師所以愚冥凡夫所宣道法有為所起會歸滅盡惟無為安以能无為不生不滅亦無所住故曰无為從其所習而今生滅其無所習則无究盡無行无究無異住處其以真正解其斯慧不致合會有所起生而有滅也無有異住若有菩薩當作是觀其有為法及无為法無有不无常見如應不觀有為及無為法有為不見无為無為不見有為不見異无為而自謂念我身有矣真有正是見有為業無餘有為是諱有耳思念妄想其有為无為法永無所想有為无為以無所想分別諸想皆斷諸者

以了无為除去眾緣本淨無緣其因本淨所觀真正以能曉了悉无所作則無合會菩薩能遠是有為无為則了諸法不有不無亦復不倚有為无為乃逮正覺也佛告持人若有菩薩分別五陰曉了諸種解達六入以能暢知十二緣剖判四意止五根八道能覺世俗度世之業明知有為無為之事以曉了是這解一切諸法之无宣布諸法所不達得意力勢解暢一切諸法章句斷生老死心不能絕壞能自究竟無上正真道成取正覺持人菩薩經寶光菩薩品第十二佛告持人乃往過去无央數劫不可稱計懸曠无限个時於世有佛号紫金山王如來至真等正覺明行成為善逝世間解無上士道法御天人師為佛世尊其紫金山王如來壽住五劫諸聲聞眾不可計數諸菩薩會亦不可限无能稱了知其多少其土熾盛風雨時節五穀豐熟人民安寧強不凌弱各得其所心行平等飲食消

持菩薩經卷第四 第七誡 萬 五

化不以為病。癡癡薄善。自修身家。居義教。順律清淨。彼時如來為諸菩薩。一切衆生。決諸疑網。令無懷恨。願宣菩薩道法之藏。時有菩薩名曰寶光。聞佛說是諸菩薩業解陰。裏入諸種。十八十二緣起。諸根意止。八正道。行世俗度世。有為無為。即輒奉受。如是精進。十二億歲。未曾發起癡癡。癡心不貪利養。飲食衣服牀蓐。卧具。病瘦醫藥。惟心精修。入如是像。曉了思惟。常修精進。盡其形壽。淨修梵行。在其佛所。壽終之後。還生本土。在於人間。適生墮地。便復出家。復受學。斯如是傳法。曉了奉行。復在於彼六十億歲。淨修梵行。心不捨遠。如是像法。募求不廢。復壽終。竟還生佛國。其紫金山王如來。續存復在其所。淨修梵行。一一劫中。五返生沒。終而復始。其紫金山王如來。至真臨欲滅度。終五劫已。因是景。摸博聞元量。曉了諸法。於五劫中。所可聞受。觀已從佛。諮講解者。逮其意。力觀。戴如來。便為衆生。一敷演。開發無量人。皆發無上正真。

持人菩薩經卷第四 第八誡 萬

道。意佛滅度。後正法住世。一劫復五百返。往來周旋。生於人間。常出家學。奉是景。摸曉了正典。化無央數。不可思議。衆生之類。皆入至行。寶光菩薩。見萬億佛。寂後。有佛名元量光。如來至真。等正覺。所見授決。却無數劫。汝當成无上正真之道。過無數劫。當復逮見億百千劫。非載諸佛。逮得正覺。号次一切議。如來至真。等正覺。諸聲聞。衆不可稱計。難可限量。諸菩薩。衆无央數人。其國。廣世人壽。二劫米穀。平賤人民。安隱。是故。持人菩薩。大士欲逮得。是如斯景。摸曉了正典。當精進學受持。諷誦是經典。要。

持人菩薩經卷第四 第九誡 萬

復。殃。置是為四。若有菩薩。學如是像。經典之要。輒逮力。勢布施。清淨戒禁。無微忍辱。精進一心。智慧聖明。无瑕以逮。是法致權。方便又復。持人菩薩。學斯立。知止足。閑居。功德懷無蓋。哀愍于衆生。以用大哀。入于衆生。然後乃學。如是像法。解了要行。又其菩薩。入持持門。學於勤修。何謂得入持持門。而學。勤修志慕。勤思。曉了量法。方便觀察。奉無限行。又解了觀。諸定。意門。諸要法。門入不可計。因緣。正行。逮致如是。比佛力。勢。曉一切法。分別。諸法。得意力。勢。以能曉了。斷生老病死。志強。無法不失。正法乃成。无上正真。道。意逮取正覺。

佛復告持人。若有菩薩。通持持門。若能曉了一切。諸法。言辭。所趣。以用一事。入百千事。以用道力。分別。諸法。无所不達。又若菩薩。逮定意。門入音聲。便入無限。定意。門。辨以得入。是了若千品。一切法。門。以入一切。諸法。道。門。須宣。諸法。靡不蒙濟。又其菩薩。奉行智慧。以是慧力。曉了諸想。勤解。想已。

以是慧力速一切法疾通無碍又若菩薩曉了无量定意門行以往是地普致一切十方法又若菩薩曉了無量持門行解不可計定意門力以定意門暢不可限衆法之元以是道地普入諸法靡所不通又其菩薩甚能曉了觀世間行極復分別有為無為奉行諸法心所不著有為無為行如是像一切諸法疾解諸法速得明慧又菩薩行權方便勤察一切諸法本无所行雖作是觀不為世事不著世法亦無所著如是像法疾得曉了一切諸法分別諸法意力施財剖判章句斷除生死意行具足是故持人菩薩大士於是摸法而度元極何謂為四於斯法典奉如道義勤修正法於斯經典逮無量普入道慧持人菩薩經往古品第十三

佛告持人乃往過去无央數劫不可稱計長遠无限尔時有佛号無量光超殊王如來至真等正覺明行成爲善逝世間解無上士道法御天人師佛世尊其佛世時聲聞衆不可計數

大會无照諸菩薩會不可稱載其佛在世時壽一劫又彼佛土皆以七寶而造覆成七寶樹生周匝圍繞以用莊嚴一切諸樹殊異珍琦交露帳覆又諸樹下皆施師子牀其諸牀上細好帛疊裏樹布牀一切諸牀琉璃爲足以赤真珠而校諸樹自然熏香合成諸華華常茂盛而圍繞之其樹前自然浴池有八味水其水底沙悉以水精車渠赤真珠合成又以三寶造成浴池其諸浴池自生青蓮紅黃白蓮華又諸池水以七寶作校飾欄楯一切欄楯地平如堂又其佛土清淨元穢其佛國土寶樹熾盛猶初利天晝度大樹嚴飾魏魏明月珠樹諸億千充滿佛土其光悉照覆日月耀令不復現其諸寶樹琦珍交露出好音聲哀爲衆鳥天諸玉女歌音樂聲如是軟音普流佛土無三惡趣不犯諸惡不爲衆生喧雜句說惟以敷演如斯像法智度元極是等薩藏化無央數諸人物衆一日皆發道心其本發心志存大道便悉具足道品之法如是

持人其無量光超殊王如來至真因其方便化不可計無央數衆生發道心令生下方去此佛土在彼佛土咸善薩行佛滅度後正法存立竟至半劫時佛滅度後正法便沒有一菩薩名意无限從下方佛剎來生此土其國去斯十佛世界適生未久年十六歲便捨捨棄行作沙門在無量光超殊王佛所諮受經典臨法沒時爲諸菩薩宣布陰種一切諸入分別解義聞如是像精進之行在於斯法所度無極攝權方便因是德本彼土復次見億數佛普蒙斯法所生之處常識宿命皆以幼童不娶妻室淨修梵行以家有信出爲沙門所生之處速得意力常所受身成就功勳而軍後世速得无上正真之道爲寂正覺号曰無量光珠王如來至真等正覺若有善薩疾欲成佛逮一切智具足佛道在後五濁臨法欲沒當勤志成如是像法轉受宣布盡以愛樂常行精進軍後末俗受是經典德敷元量諷誦奉行爲他人說攝不可喻

◇高麗大藏經◇

持人菩薩經卷第四 第十三條 萬

持人菩薩經毘陀和五百人品第十四
今時毘陀和等五百菩薩擣日兜菩
薩即從坐起長跪叉手前白佛言我
等世尊取後末世臨法滅時當受是
法住於後世五濁之世擁護正典
持是景撰輒誦奉持廣為人說復有
無數諸菩薩等各從坐起長跪叉手
諦視佛面各興至願我等世尊取後
末世被引菩薩受是景撰順斯深妙
佛所宣慧諸菩薩等而積德本道品
之藏並使具足所在遊居當擁護法
聞是經像益加喜樂受持誦宣示
未達深入大猷時佛忻笑口中五色
光出遍照三千大千佛土地六返震
動賢者阿難即從坐起長跪叉手前
白佛言佛何因笑既笑當有意光明
普照地即大動佛告阿難汝寧見此
諸菩薩衆住立我前在後末世當護
正法被引菩薩以救厄佛誠念之
往無數劫於諸佛所被如是像引菩
薩之鎧面從諸佛受斯經法持護三品
開導無數衆生之類令是等未在於
佛所承三品義受是正法今立佛前

持人菩薩經卷第四 第十四條 萬

然後末世法臨沒時多所開化未達
衆生如令受佛三品正法在於賢劫
諸佛興見亦當從受千佛訓誨三品
正法又將來世諸佛聖所咸受亦然
是等阿難諸族姓子功勳名德不可
得察莫能稱計所行經法是諸族姓
子安隱衆生而供養假使如來至宣
是等以受正道安隱衆生皆以不信
若不信者長夜不安墮于惡趣又復
阿難當為汝等現其證明如斯等類
安隱衆生正使三千世界一切衆生
皆由想行故墮地獄假使大衆在地
獄中有一人生告地獄人無得恐怖
當為汝等一一道利以時方便出大
地獄苦惱之患則以已身一一濟之
移著安處一人故無數千歲忍在
地獄未曾慙廢普令致安阿難其人
於衆生慈愍哀寧增多不出大地
獄立大安隱阿難言甚多甚多天中
天佛言假使彼人顯示神足如是魏
魏令衆生類立第一寂有為之安長
樂無極成大哀愍皆逮覆護其功德福
非心所思非言可暢佛告阿難今故

持人菩薩經卷第四 第十五條 萬

語汝如彼菩薩於大地獄出元數衆
立之永安所愍衆生若合集是前所
安隱順和衆生使濟大難至有為安
百倍千倍億萬倍巨億萬倍不如族
姓子受是像經所以者何計其所興有
為之安有極盡矣不至無為不離貪
欲不致滅度逮神通正覺之業不成
寂志泥洹之要又阿難是諸菩薩建
立衆生无上大安一切智業又是菩
薩以大士法志學道乘建立佛道度
諸衆生立諸聲聞緣覺之地勸助佛
法修善薩行住于大道斯諸族姓子
勸助衆生行菩薩法不料佛教咨啓
大雄受立引慈成一切智故功無限
佛言阿難由是正法若千劫中若无
數劫不可計限億百載劫懸邈如是
諸佛世尊常不空閑展轉相教及餘
無數億百千劫轉復相度使成佛
而无窮功故無限所以者何億千百
佛本住宿世行菩薩業建立佛道斯
等之類在在所生受是經典各用勸
助逮無上正真之道成取正覺將來
之世無數菩薩多所開化不可計衆

以是勸助具足佛法成無上正真之道也如是阿難諸族姓子訓立衆生一切智安天上大道欲平等有法父母者正當謂之諸佛菩薩道法父母今是菩薩擁護自歸普得自立是所謂安甌陀和搞曰兜等五百人等則法父母斯諸菩薩護是正典族姓子族姓女等不違佛教亦不絕一切智本於將來世臨法欲沒為諸衆生建立大護住在大家開益一切以是勸助在於末世而安護之不墜惡趣令無數千億菩薩若無數佛共嘆嘆是族姓子等功勳之德不能究竟所以者何是諸族姓名勳至德不可思議

佛告阿難佛無數劫億千兆載合集積累是正法寶其受是法族姓子等十方無數不可計會諸佛世尊遊無限土今現在者咸共擁護學是法者皆令安隱佛言阿難天上世間悉為是等諸族姓子稽首敬禮歸命誥受十方諸佛慈悲嘆之所演經法以示不違阿難佛以豫印印是族姓決一切疑若

後末世受如是像無上正法持誦說宣布同學是族姓子及族姓女以為疾近一切智業臨法滅時間是景按深妙經法懷喜信者佛以授決行菩薩乘如是至真取後末世愛護是法建立己身而愛樂法佛以勸助是諸族姓子及族姓女而不誹謗斯深妙法佛授決諸聲聞乘見弥勒佛出現於世諸漏已盡無有愛欲用受信是深妙法故未曾誹謗致是功報佛言若菩薩學聞是深法信樂悅豫亦皆授決在於弥勒如來世時出家學寂而復菩薩願乃有殊特佛謂是族姓子女德本調柔功勳無際臨法欲沒取後末世受斯深法奉行精進德不可量魏魏如是

持人菩薩經卷第四 第十五

余時持人菩薩前白佛言願佛建吾以轉法者不求名利取後末世聞是正典顯發忻悅受微妙義以是之故疾解諸法逮分別慧速得意力剖判諸法曉了道慧所生之慶識念不忘以大法光照於十方佛言持人若有

菩薩觀是法品大智慧業元極明本積大功德不可限量若將來世受是法品持誦誦讀及餘深經菩薩薩藏諸度無慙勤心奉行魔事因緣不能得便不為罪蓋之所覆蔽佛授決見兩三佛輒當逮得无所從生法忍其得忍者亦當得是無上道品自解諸法而得自在嚴淨佛土具足聲聞受其道教奉菩薩行如是持人佛下印封斷一切疑取後末世現得四義自在之業行菩薩大士法受是經典而擁護之被弘普鎧何謂為四一日受已德本甚大元極不可限量不可計會二日當為衆生顯發善光三日誥受如來正法經要四日執持法藏無央數佛所宣道化是為四復有四法取後末世將護深法何謂為四一日攝取精進在樂惡世受行正法二日若在厄難第一苦毒諍亂正法所持法品人共聞時化令和合擁護正法三曰行發忍辱具足仁和四日在於末世心不懷恨往來周旋常行慈愍是為四得致深法疾速一切智

持菩薩經卷第四 第二十九

尔時毘陀和搞曰兜五百菩薩及餘
菩薩聞佛說是道品正法咸住佛前
心自念言於後末世擁護正法佛以
右掌摩諸菩薩而告之曰諸族姓子
佛無數劫而積習是無上正真道成
大寶藏甚用勤苦忍遭困厄所濟無
限使得大安捨身之安而憂一切乃
誦道法成軍正覺以累仁等若有學
誦遠是法者廣為四輩而敷演義若
三品法欲毀壞時當建立護尔乃震
揚無極大光佛重累族姓子等如來
猶父諸賢如子佛猶國君諸仁如臣
父慈子孝君正臣忠天下和平吾无
歎劫習是正法道德寶藏令普流布
八極上下諸天人民一切慈孝自歸
命佛佛以大哀皆共蒙濟尔時諸菩
薩眾從毘陀和搞曰兜等五百群眾
稽首佛足前白佛言承佛聖旨任力
盡意將護末世佛所宣教惟願如來
建立垂恩取後末世令斯正法道寶
之藏使普流布八方上下一切皆蒙
佛加威神說是法品有元央數不可
計會諸菩薩眾得一生補處德本道

持菩薩經卷第四 第三十

慧皆以倍悲無數億千諸天人民皆
發道心佛悉授決於將來世皆得佛
道各有名号佛說如是持人菩薩及
一切菩薩毘陀和搞曰兜等五百群
眾四部眾會諸天世人阿修羅閻佛
所說莫不歡喜作礼而去
持人菩薩經卷第四

癸卯歲高麗國大藏都監奏
勅部

持菩薩經卷第四 第三十一
持菩薩經卷第四 第三十二
持菩薩經卷第四 第三十三
持菩薩經卷第四 第三十四
持菩薩經卷第四 第三十五
持菩薩經卷第四 第三十六
持菩薩經卷第四 第三十七
持菩薩經卷第四 第三十八
持菩薩經卷第四 第三十九
持菩薩經卷第四 第四十
持菩薩經卷第四 第四十一
持菩薩經卷第四 第四十二
持菩薩經卷第四 第四十三
持菩薩經卷第四 第四十四
持菩薩經卷第四 第四十五
持菩薩經卷第四 第四十六
持菩薩經卷第四 第四十七
持菩薩經卷第四 第四十八
持菩薩經卷第四 第四十九
持菩薩經卷第四 第五十
持菩薩經卷第四 第五十一
持菩薩經卷第四 第五十二
持菩薩經卷第四 第五十三
持菩薩經卷第四 第五十四
持菩薩經卷第四 第五十五
持菩薩經卷第四 第五十六
持菩薩經卷第四 第五十七
持菩薩經卷第四 第五十八
持菩薩經卷第四 第五十九
持菩薩經卷第四 第六十
持菩薩經卷第四 第六十一
持菩薩經卷第四 第六十二
持菩薩經卷第四 第六十三
持菩薩經卷第四 第六十四
持菩薩經卷第四 第六十五
持菩薩經卷第四 第六十六
持菩薩經卷第四 第六十七
持菩薩經卷第四 第六十八
持菩薩經卷第四 第六十九
持菩薩經卷第四 第七十
持菩薩經卷第四 第七十一
持菩薩經卷第四 第七十二
持菩薩經卷第四 第七十三
持菩薩經卷第四 第七十四
持菩薩經卷第四 第七十五
持菩薩經卷第四 第七十六
持菩薩經卷第四 第七十七
持菩薩經卷第四 第七十八
持菩薩經卷第四 第七十九
持菩薩經卷第四 第八十
持菩薩經卷第四 第八十一
持菩薩經卷第四 第八十二
持菩薩經卷第四 第八十三
持菩薩經卷第四 第八十四
持菩薩經卷第四 第八十五
持菩薩經卷第四 第八十六
持菩薩經卷第四 第八十七
持菩薩經卷第四 第八十八
持菩薩經卷第四 第八十九
持菩薩經卷第四 第九十
持菩薩經卷第四 第九十一
持菩薩經卷第四 第九十二
持菩薩經卷第四 第九十三
持菩薩經卷第四 第九十四
持菩薩經卷第四 第九十五
持菩薩經卷第四 第九十六
持菩薩經卷第四 第九十七
持菩薩經卷第四 第九十八
持菩薩經卷第四 第九十九
持菩薩經卷第四 第一百

持菩薩經卷第四 第三十二
持菩薩經卷第四 第三十三
持菩薩經卷第四 第三十四
持菩薩經卷第四 第三十五
持菩薩經卷第四 第三十六
持菩薩經卷第四 第三十七
持菩薩經卷第四 第三十八
持菩薩經卷第四 第三十九
持菩薩經卷第四 第四十
持菩薩經卷第四 第四十一
持菩薩經卷第四 第四十二
持菩薩經卷第四 第四十三
持菩薩經卷第四 第四十四
持菩薩經卷第四 第四十五
持菩薩經卷第四 第四十六
持菩薩經卷第四 第四十七
持菩薩經卷第四 第四十八
持菩薩經卷第四 第四十九
持菩薩經卷第四 第五十
持菩薩經卷第四 第五十一
持菩薩經卷第四 第五十二
持菩薩經卷第四 第五十三
持菩薩經卷第四 第五十四
持菩薩經卷第四 第五十五
持菩薩經卷第四 第五十六
持菩薩經卷第四 第五十七
持菩薩經卷第四 第五十八
持菩薩經卷第四 第五十九
持菩薩經卷第四 第六十
持菩薩經卷第四 第六十一
持菩薩經卷第四 第六十二
持菩薩經卷第四 第六十三
持菩薩經卷第四 第六十四
持菩薩經卷第四 第六十五
持菩薩經卷第四 第六十六
持菩薩經卷第四 第六十七
持菩薩經卷第四 第六十八
持菩薩經卷第四 第六十九
持菩薩經卷第四 第七十
持菩薩經卷第四 第七十一
持菩薩經卷第四 第七十二
持菩薩經卷第四 第七十三
持菩薩經卷第四 第七十四
持菩薩經卷第四 第七十五
持菩薩經卷第四 第七十六
持菩薩經卷第四 第七十七
持菩薩經卷第四 第七十八
持菩薩經卷第四 第七十九
持菩薩經卷第四 第八十
持菩薩經卷第四 第八十一
持菩薩經卷第四 第八十二
持菩薩經卷第四 第八十三
持菩薩經卷第四 第八十四
持菩薩經卷第四 第八十五
持菩薩經卷第四 第八十六
持菩薩經卷第四 第八十七
持菩薩經卷第四 第八十八
持菩薩經卷第四 第八十九
持菩薩經卷第四 第九十
持菩薩經卷第四 第九十一
持菩薩經卷第四 第九十二
持菩薩經卷第四 第九十三
持菩薩經卷第四 第九十四
持菩薩經卷第四 第九十五
持菩薩經卷第四 第九十六
持菩薩經卷第四 第九十七
持菩薩經卷第四 第九十八
持菩薩經卷第四 第九十九
持菩薩經卷第四 第一百